

27 мая 2020 года

ОТДАНИЕ ПАСХИ

Последование утрени для домашнего (келейного) совершения

Моли́твами святы́х оте́ц на́ших, Го́споди Иису́се Христе́, Бо́же наш, поми́луй нас. **Ами́нь.**

Христос воскрес из мертвых, смертию смерть поправ и сущим во гробех живót даровав. Трижды.

Стих 1: Да воскреснет Бог, и расточатся врази Его, и да бежат от Лица Его ненавидящие Его.

Христос воскрес из мертвых, смертию смерть поправ и сущим во гробех живót даровав.

Стих 2: Яко исчезает дым, да исчезнут, яко тает воск от лица огня. Христос воскрес: единожды.

Христос воскрес из мертвых, смертию смерть поправ и сущим во гробех живót даровав.

Стих 3: Тако да погibнут грешницы от Лица Божия, а праведницы да возвеселятся. Христос воскрес: единожды.

Христос воскрес из мертвых, смертию смерть поправ и сущим во гробех живót даровав.

Стих 4: Сей день, егóже сотвори Господь, возрадуемся и возвеселимся в онь. Христос воскрес: единожды.

Христос воскрес из мертвых, смертию смерть поправ и сущим во гробех живót даровав.

Слава Отцу́ и Сы́ну и Свято́му Ду́ху.

Христос воскрес из мертвых, смертию смерть поправ и сущим во гробех живót даровав.

И ны́не и прísно и во ве́ки веко́в. **Ами́нь.**

Христос воскрес из мертвых, смертию смерть поправ и сущим во гробех живót даровав.

И паки:

Христос воскрес из мертвых, смертию смерть поправ и сущим во гробех живót даровав.

ШЕСТОПСАЛМИЕ

Сла́ва в вѣ́шнихъ Бо́гу, и на землѣ́ мир, в челове́цахъ благоволе́ние.
Трижды.

Го́споди, устне́ мои́ отве́рзеши, и уста́ моя́ возвестя́т хвалу́ Твою́.
Дважды.

Псалом 3

Го́споди, что ся умно́жиша стужа́ющии ми́? Мно́зи востаю́т на мя, мно́зи глаго́лют ду́шѣ́ мое́й: несть спасе́ния е́му в Бо́зе егѡ́. Ты же, Го́споди, Засту́пник мой еси́, сла́ва моя́ и вознося́й главу́ мою́. Гла́сом мо́имъ ко Го́споду воззва́х, и услы́ша мя от горѣ́ святѣ́я Свое́я. Аз усну́х, и спах, воста́х, я́ко Госпо́дь заступитъ мя. Не убою́ся от темъ люде́й, ѡ́крест напа́дающихъ на мя. Воскресни́, Го́споди, спаси́ мя, Бо́же мой, я́ко Ты порази́л еси́ вся вражду́ющыя ми всу́е: зу́бы грѣ́шниковъ сокруши́л еси́. Госпо́дне есть спасе́ние, и на лю́дехъ Твои́хъ благослове́ние Твое́.

Аз усну́х, и спах, воста́х, я́ко Госпо́дь заступитъ мя.

Псалом 37

Го́споди, да не я́ростию Твое́ю обличи́ши мене́, ниже́ гне́вомъ Твои́мъ нака́жешы мене́. Я́ко стрѣ́лы Твоя́ унзо́ша во мене́, и утверди́л еси́ на мене́ ру́ку Твою́. Нестъ исцеле́ния в плѡ́ти мое́й от лица́ гне́ва Твоегѡ́, несть ми́ра в костѣ́хъ мои́хъ от лица́ грѣ́хъ мои́хъ. Я́ко беззакѡ́нныя моя́ превзыдо́ша главу́ мою́, я́ко бремя́ тяжкое́ отяготѣ́ша на мене́. Возсмерде́ша и согни́ша ра́ны моя́ от лица́ безуми́я моего́. Пострада́хъ и сляко́хся до конца́, весь день се́туя хождáхъ. Я́ко лядвѣ́я моя́ напо́лнишася поругáний, и несть исцеле́ния в плѡ́ти мое́й. Озло́бленъ быхъ и смири́хся до зела́, рыка́хъ от въздыхáния се́рдца моего́. Го́споди, предъ Тобѡ́ю все желáние мое́ и въздыхáние мое́ от Тебѣ́ не утайся. Се́рдце мое́ смяте́ся, оста́ви мя́ си́ла моя́, и светъ ѡ́чию мое́ю, и той несть со мно́ю. Дру́зи мои́ и ѡ́скреннии мои́ прѣ́мо мене́ прибли́жишася и ста́ша, и бли́жнии мои́ отдалече́ мене́ ста́ша и нужда́хуся ѡ́щущи ду́шу мою́, и ѡ́щущи злáя мене́ глаго́лаху суетная́ и льсти́внымъ весь день поучáхуся. Аз же́ я́ко глухъ не слы́шахъ и я́ко немъ не отверза́я устъ свои́хъ. И быхъ я́ко человекъ не слы́шай и не имѣ́й во устѣ́хъ свои́хъ обличе́ния. Я́ко на Тя, Го́споди, упова́хъ, Ты услы́шиши, Го́споди Бо́же мой. Я́ко рехъ: да не когда́ пора́дуютъ ми ся врази́ мои́: и внегда́ подвижа́тися нога́мъ мо́имъ, на мя велере́чеваша. Я́ко аз на ра́ны гото́в, и болѣ́знь моя́ предо мно́ю есть вѣ́ну. Я́ко беззакѡ́нныя моя́ аз возвещу́ и попеку́ся о грѣ́сѣ́хъ мо́ихъ. Врази́ же мои́ живу́т и укрепѣ́шася па́че мене́, и умно́жишася ненави́дящии мя без

правды. Воздаючи ми злая возблагая оболгашу мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Псалом 62

Боже, Боже мой, к Тебе утренюю, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явися Тебе, видети силу Твою и славу Твою. Яко лучши милость Твоя паче живот, устне мои похвалите Тя. Тако благословлю Тя в животе моем, о имени Твоем воздежу рuce мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Бозе, похвалится всяк кленыйся Им, яко заградися уста глаголющих неправедная.

На утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава, и ныне:

Аллилуиа, аллилуиа, аллилуиа, слава Тебе Боже. Трижды, без поклонов.

Господи помилуй. Трижды.

Слава, и ныне:

Псалом 87

Господи Боже спасения моего, во дни возвах, и в ночи пред Тобою. Да внидет пред Тя молитва моя: приклони ухо Твое к молению моему, яко исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свободь, яко язвеннии спящии во гробе, ихже не помянул еси кому, и тии от руки Твоея отриновени быша. Положиша мя в рове преисподнем, в темных и сени смертней. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе рuce мои. Еда мертвыми творishi чудеса? Или

врачеве воскресят, и исповедятся Тебѣ? Едѣ повѣсть кто во грѣбе мѣлость Твою, и истину Твою в погѣбели? Едѣ познана бѣдут во тьме чудеса Твоя, и правда Твоя в земли забвенней? И аз к Тебѣ, Господи, воззвах и утро молитва моя предварит Тя. Вскую, Господи, отрѣеши душу мою, отвращаеши лице Твое от мене? Нищ есмь аз, и в трудѣх от юности моея; вознес же ся, смирихся, и изнемогах. На мне преидоша гнѣви Твои, устрашения Твоя возмутѣша мя, обидоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Господи Бже спасения моего, во дни воззвах, и в ноци пред Тобю. Да внидет пред Тя молитва моя: приклони ухо Твое к молению моему.

Псалом 102

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающаго вся беззакония твоя, исцеляющаго вся недуги твоя, избавляющаго от истления живот твой, венчающаго тя милостию и щедротами, исполняющаго во благих желание твое: обновится яко орля юность твоя. Твори милостины Господь, и судьбу всем обидимым. Сказав пути Своя Моисею, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже во век враждует, не по беззаконию нашим сотворил есть нам, ниже по грехом нашим воздал есть нам. Яко по высотѣ небесней от земли, утвердил есть Господь милость Свою на боящихся Его. Елико отстоят восточы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает кому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа вся Силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

Псалом 142

Господи, услыши молитву мою, внуши моление мое во истине Твоей,

услы́ши мя в пра́вде Твое́й и не вни́ди в суд с рабо́м Твои́м, я́ко не оправди́тся пред Тобо́ю всяк живы́й. Я́ко погна́ враг ду́шу мою́, смири́л есть в зéмлю живóт мой, посади́л мя есть в тёмных, я́ко мёртвыя вéка. И уны́ во мне дух мой, во мне смятэ́ся сёрдце моé. Помяну́х дни дрéвния, поучи́хся во всех дéлех Твои́х, в творéнииих руку́ Твое́ю поуча́хся. Воздéх к Тебé рúце мой, душá моя́, я́ко земля́ безвóдная Тебé. Скóро услы́ши мя, Гóсподи, исчезé дух мой, не отврати́ лица́ Твоегó от менé, и уподóблюся низходя́щим в ров. Слы́шану сотвори́ мне заўтра мiлость Твою́, я́ко на Тя упова́х. Скажи́ мне, Гóсподи, путь вóньже пойду́, я́ко к Тебé взях ду́шу мою́. Изми́ мя от враг мои́х, Гóсподи, к Тебé прибегóх. Научи́ мя творiти во́лю Твою́, я́ко Ты еси́ Бог мой. Дух Твой Благiй наста́вит мя на зéмлю пра́ву. Имене Твоегó ра́ди, Гóсподи, живи́ши мя, пра́вдою Твое́ю изведéши от печáли ду́шу мою́. И мiлостию Твое́ю потреби́ши врагí моя́ и погуби́ши вся стужáющыя души́ моéй, я́ко аз раб Твой есмь.

Услы́ши мя, Гóсподи, в пра́вде Твое́й и не вни́ди в суд с рабо́м Твои́м.

Услы́ши мя, Гóсподи, в пра́вде Твое́й и не вни́ди в суд с рабо́м Твои́м.

Дух Твой Благiй наста́вит мя на зéмлю пра́ву.

Сла́ва, и ны́не:

Аллилу́иа, аллилу́иа, аллилу́иа, сла́ва Тебé, Бо́же. **Трижды.**

Гóсподи, помiлуй. **12.**

Сла́ва, и ны́не:

Бог Госпóдь и тропарí

Глас 5:

Бог Госпóдь и яви́ся нам, благословéн Гряды́й во iмя Госпóдне.

Стих: Исповéдайтеся Гóсподеви, я́ко благ, я́ко в век мiлость Егó.

Бог Госпóдь и яви́ся нам, благословéн Гряды́й во iмя Госпóдне.

Стих: Обышédше обыдóша мя и iменем Госпóдним противля́хся им.

Бог Госпóдь и яви́ся нам, благословéн Гряды́й во iмя Госпóдне.

Стих: Не умру́, но жив бóду и пове́м дела́ Госпóдня.

Бог Госпóдь и яви́ся нам, благословéн Гряды́й во iмя Госпóдне.

Стих: Ка́мень, Егóже небрегóша зи́ждущи, Сей бысть во главу́ ўгла, от Гóспода бысть Сей и есть дiвен во очесéх на́ших.

Бог Господь и явился нам, благословен Грядый во имя Господне.

Тропарь, глас 5:

Собезначальное Слово Отцу и Духови, от Девы рождающееся на Спасение наше, воспойм, вернии, и поклонимся; яко благоволи Плотию взяти на Крест, и смерть претерпети, и воскресити умершия славным воскресением Своим.

Слава, и ныне:

Богородичен, глас тойже:

Радуйся, Двере Господня непроходимая; радуйся, стено и покрове притекающим к Тебе. Радуйся, необуреваемое пристанище и неискусобрачная, рождающая Плотию Творца Твоего и Бога. Молящи не оскудевай о воспевающих и кланяющихся рождеству Твоему.

КАФИЗМЫ И СЕДАЛЬНЫ

Господи, помилуй. **Трижды**

Слава, и ныне:

И чтем кафисму 11-ю (зри Псалтирь)

Господи, помилуй. **Трижды.**

Слава, и ныне:

По кафисме седальны, глас 5:

Отцу и Духови собезначальный, иже светом яко ризою одевайся, человеколюбно в наше естество облечеса, и недуги человеческия отгоняя яко Бог, просвети и зеницы от ложесн матерних лишеннаго света.

Таже:

Воскресение Христово видевше, поклонимся Святому Господу Иисусу, единому Безгрешному. Кресту Твоему поклоняемся, Христэ, и святое Воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приидите, вси вернии, поклонимся святому Христову Воскресению: се бо прииде Крестом радость всему миру. Всегда благословяще Господа, поем Воскресение Его: распятие бо претерпев, смертью смерть разруши.

Псалом 50

Помилуй мя, Бóже, по велицей мýлости Твоей, и по мнóжеству щедрóт Твоих очисти беззакóние моё. Наипáче омый мя от беззакóния моего, и от грехá моего очисти мя; я́ко беззакóние моё аз знаю, и грех мой предо мною есть вýну. Тебé единому согреших, и лукавое пред Тобóю сотворих; я́ко да оправди́шия во словесех Твоих, и победи́ши, внегда суди́ти Ти. Се́ бо в беззакóнных зачат есмь, и во гресех роди́ мя ма́ти моя. Се́ бо и́стину возлюбил еси́, безвѣстная и та́йная премýдрости Твоея́ явил ми еси́. Окропи́ши мя иссо́пом, и очыщуся; омýеши мя, и па́че снѣга убелю́ся. Слýху моему́ да́си ра́дость и веселие; возра́дуются ко́сти смиренныя. Отврати́ лице́ Твое́ от грех мо́их, и вся беззакóния моя́ очисти. Сѣрдце чýсто сози́жди во мне, Бóже, и дух прав обнови́ во утробе мое́й. Не отвѣржи мене́ от лица́ Твоего́, и Дýха Твоего́ Свята́го не отыми́ от мене́. Возда́ждь ми ра́дость спасения́ Твоего́, и Дýхом Влады́чним утверди́ мя. Научу́ беззакóнныя путе́м Твоим, и нечестивии к Тебѣ обратят́ся. Избáви мя от кровей, Бóже, Бóже спасения́ моего́; возра́дуется язы́к мой правде́ Твоей. Гóсподи, устне́ мои́ отвѣрзеши, и уста́ моя́ возвестя́т хвалу́ Твою́. Я́ко а́ще бы восхотѣл еси́ жѣртвы, дал бых úбо: всесо́жжения не благоволи́ши. Жѣртва́ Бóгу дух сокруше́н; сѣрдце сокруше́нно и смире́нно Бог не уничи́жит. Ублажи́, Гóсподи, благоволе́нием Твоим Сио́на, и да сози́ждутся стѣны́ Иерусали́мския. Тогда́ благоволи́ши жѣртву правды́, возноше́ние и всесо́жегаемая; тогда́ возложáт на олта́рь Твой тельцы́.

КАНО́Н

Песнь 1

Канон Пасхи:

Ирмо́с: Воскресения́ день, просвети́мся, лю́дие; Пáсха, Господня́ Пáсха: от смѣрти бо к жи́зни и от земли́ к Небеси́ Христóс Бог нас преведе́, побѣдную пою́щия.

Припев: Христóс воскресе́ из мѣртвых.

Очи́стим чýвствия, и úзрим непристýпным свѣтом Воскресения́ Христá блиста́ющася, и ра́дуйтеся реку́ща́ ясно да услы́шим, побѣдную пою́ще.

Христóс воскресе́ из мѣртвых.

Небеса́ úбо досто́йно да веселя́тся, земля́ же да ра́дуется, да прáзднует же мир, ви́димый же весь и неви́димый: Христóс бо воста́,

весéлие вéчное.

Пресвятáя Богорóдице, спаси́ нас.

Умерщвлéния предéл сломила еси́, вéчную жизнь рóждшая Христа́, из грóба возсия́вшего днесь, Дéво всенепорóчная, и мир просвети́вшего.

Пресвятáя Богорóдице, спаси́ нас.

Воскрéсшаго видевши Сы́на Твоегó и Бóга, раду́йся со апóстолы, Богоблагодáтная Чй́стая; и ёже раду́йся, пёрвее, яко́ всех радóсти вина́, восприя́ла еси́, Богомáти всенепорóчная.

Канон слепаго:

Сла́ва Тебе́, Бóже наш, сла́ва Тебе́.

Распя́тие вóльное воспри́м, Спа́се, плóтию, источи́л еси́ благословéние, и жизнь мй́рови, Влады́ко, еди́не Всеблагословéнне, и всех Содéтелю. Тёмже благослови́м Тя, поём и сла́вим, пою́ще, воспева́юще побéдную песнь.

Сла́ва Тебе́, Бóже наш, сла́ва Тебе́.

В рóве Тя преиспóднейшем мёртва бй́вша, Христé, положи́ благообразный Ио́сиф, и привали́ к двéрем грóба ка́мень, Долготерпели́ве. Но воскрéсл еси́ сла́вне, и мй́р совозста́вил еси́ пою́щий, воспева́ющий побéдную песнь.

Сла́ва Тебе́, Бóже наш, сла́ва Тебе́.

Мýра что принóсите со слезáми вы, глаго́лаше честны́м жена́м А́нгел явлéйся? Христóс воста́, тékше рцýте боговидцем учени́ком, рыда́ющим и пла́чущим, яко́ да взыгра́ют и ликовствую́т свéтло.

Сла́ва Тебе́, Бóже наш, сла́ва Тебе́.

Чудеса́ пресла́вная сотвори́я, Изба́витель исцели́ и слéпа от рожде́ния, брени́ем пома́зав, и рек: иди́ умыйся в Силоáме, яко́ да позна́еши Мя, Бóга, по землй́ шéствующа, плоть нося́ща, за милосéрдие щедрóт.

Канон предпра́зднства Вознесения́:

Сла́ва Тебе́, Бóже наш, сла́ва Тебе́.

Горé ко Отцý Христóс восхóдит, и принóсит плоть, ю́же от нас восприя́т, Тогó воспой́м в похвалéнии днесь, побéдную песнь пою́ще.

Сла́ва Отцу́ и Сы́ну и Свято́му Ду́ху.

Кни́ги Писа́ний Божественных, и про́поведи премудрых богоглаго́льник, ко́нec я́ве прия́ша, по воста́нии бо Влады́ка, восхо́дит со сла́вою в Небе́сная.

И ны́не и прѣсно и во ве́ки веко́в. **Ами́нь.**

Земля́ та́йно лику́ет, и небе́сная весели́я исполняются о вознесе́нии Христа́, дре́вле разстоя́щаяся соединѣвшаго благода́тию, и Ёви́но прегражде́ние разорѣвшаго.

Катавасия: Спаси́телю Бо́гу, в мо́ри лю́ди немóкрыми нога́ми наста́вльшему, и фара́она со всебо́инством потопльшему, То́му еди́ному по́йм, я́ко просла́вился.

Песнь 3

Канон Пасхи:

Ирмо́с: Приидѣ́те, пи́во пи́ем но́вое, не от ка́мене непло́дна чудодее́мое, но нетле́ния исто́чник, из грóба одождѣ́вша Христа́, в Не́мже утвержда́емся.

Христóс воскресе́ из ме́ртвых.

Ны́не вся испо́лнишася све́та, Не́бо же и земля́, и преиспо́дня: да пра́зднует у́бо вся тварь воста́ние Христа́, в Не́мже утвержда́ется.

Христóс воскресе́ из ме́ртвых.

Вчера́ спогребóхся Тебе́, Христé, совостаю́ днесь воскрeсшу Тебе́, сраспина́хся Тебе́ вчера́, Сам мя спросла́ви, Спа́се, во Ца́рствии Твоём.

Пресвята́я Богоро́дице, спаси́ нас.

На нетле́нную жизнь прихо́жду днесь бла́гостию Ро́ждшагося из Тебе́, Чи́стая, и всем ко́нecм свет облиста́вшаго.

Пресвята́я Богоро́дице, спаси́ нас.

Бо́га, Егóже родила́ еси́ плóтию, из ме́ртвых, я́коже рече́, воста́вша ви́девши, Чи́стая, лику́й, и Сего́ я́ко Бо́га, Пречи́стая, возвелича́й.

Канон слепаго:

Сла́ва Тебе́, Бо́же наш, сла́ва Тебе́.

Колéблющихся сердца́ утверди́л еси́, зéмлю всю поколебáв, Долготерпели́ве, честным распя́тием Тво́им е́же претерпéл еси́

плóтию.

Сла́ва Тебе́, Бо́же наш, сла́ва Тебе́.

В но́вем грóбе Тебе́ положи́, Ще́дре, Ио́сиф благообра́зный, воскрeсл же еси́ из ме́ртвых триднeвен, новосотвори́вый нас.

Сла́ва Тебе́, Бо́же наш, сла́ва Тебе́.

Что́ я́ко ме́ртва и́щете Го́спода? Воскрeсе, я́коже рече́, А́нгел жена́м веща́ше, блиста́яся божeственным зра́ком.

Сла́ва Тебе́, Бо́же наш, сла́ва Тебе́.

Сле́па иногда́ от рожде́ния, присту́пльша к Тебе́ исцели́л еси́ Всеще́дре, сла́вляща смотре́ние Твое́ и чуде́са.

Канон предпразднства Вознесения:

Сла́ва Тебе́, Бо́же наш, сла́ва Тебе́.

Связа́в Своeю сме́ртию Сло́ве сме́рть, из ме́ртвых воскрeсл еси́ я́ве триднeвен, и к Небе́сным Спа́се возше́л еси́ со сла́вою, песносло́влящим безплóтным Твое́ смотре́ние неизрече́нное.

Сла́ва Отцу́ и Сы́ну и Свято́му Ду́ху.

Прише́л еси́ к земны́м Христé кромé те́ла, и облeкся в плоть, Крест претерпе́л еси́, и воскрeс из ме́ртвых, возше́л еси́ со сла́вою к началосвeтному Отцу́ Твоему́, умиротвори́вый вся́ческая.

И ны́не и прeсно и во ве́ки веко́в. Ами́нь.

Поиска́в, Христé, на земли́ заблуждшее овча́, незаблудным Сло́ве, сиe счини́л еси́, и возне́ся к Небесeм, сел еси́ во сла́ве одесну́ю Твоего́ Родите́ля. Сла́ва мно́гому благоутро́бию Твоему́.

Катавасия: Си́лою Крестá Твоего́, Христé, утверди́ моe помышле́ние, во éже пе́ти и сла́вити спаси́тельное Твое́ Вознесе́ние.

Го́споди, поми́луй. Трижды.

Сла́ва, и ны́не:

Кондак слепаго, глас 4:

Душе́вными очима́ ослепле́н, к Тебе́, Христé, прихожду́, я́коже слeпый от рожде́ния, пока́нием зову́ Ти: Ты су́щих во тьме Свет пресвeтлый.

Икос:

Струю ми даруй, Христэ, премудрости неизреченныя, и разума горняго, свете сущих во тьме, и прельщаемых наставниче, да возмогу чудеса Твоя повести, окаянный, яже божественная книга научи Евангелиа мира, сиесть, слепаго чудотворение, яко от рождения слеп сый, очи чувственные приемлет и душевные, верою взывая: Ты сущих во тьме свет пресветлый.

Таже седален, глас 1:

Воочил еси Христэ от утробы рожденнаго без очес, показавый Иудеем, Спасе мой, славу Твою неизреченную, и яко свет всех еси, но завистию Тя ослеплении умом наветующе, живота Подателя умертвити поущахуся.

Слава, и ныне.

Родился еси, яко Ты, Спасе мой, восхотевый, явился же паки еси, яко Ты восхотел еси, и пострадал еси яко человек, яко Бог же воскресл еси. На Небеса со славою возшел еси, и возвел еси человеческое существо, и славою удобрил еси.

Песнь 4

Канон Пасхи:

Ирмос: На Божественней стражи богоглаголивый Аввакум да станет с нами и покажет светоносна Ангела, ясно глаголюща: днесь спасение миру, яко воскресе Христос, яко всесilen.

Христос воскресе из мертвых.

Мужеский убо пол, яко разверзый девственную утробу, явился Христос; яко человек же, Агнец наречется; непорочен же, яко невкусен скверны, наша Пасха, и яко Бог истинен, совершен речется.

Христос воскресе из мертвых.

Яко единоклетный агнец, благословенный нам венец Христос, волею за всех заклан бысть, Пасха очистительная, и паки из гроба красное правды нам возсия Солнце.

Христос воскресе из мертвых.

Богоотец убо Давид пред санным ковчегом скакаше играя, людие же Божии святии, образ сбытия зряще, веселимся божественно, яко воскресе Христос, яко всесilen.

Пресвятая Богородице, спаси нас.

Созда́вый Ада́ма Твоего́ пра́отца, Чистая, зи́ждется от Тебе́, и сме́ртное жили́ще разори́ Своёю сме́ртию днесь, и озари́ вся Божество́нными блиста́ньми Воскресе́ния.

Пресвята́я Богоро́дице, спаси́ нас.

Его́же родила́ еси́ Христа́, прекра́сно из ме́ртвых возсия́вша, Чистая, зря́щи, до́брая и непоро́чная в жена́х и кра́сная, днесь во спасе́ние всех, со апо́столы ра́дующися, Того́ прославля́й.

Канон слепаго:

Сла́ва Тебе́, Бо́же наш, сла́ва Тебе́.

Уме́рша мя дре́вом, пожре́н быв, Спа́се мой, жизнь сый, оживи́л еси́ за вели́кую ми́лость, сего́ ра́ди, Сло́ве, сла́влю Тя.

Сла́ва Тебе́, Бо́же наш, сла́ва Тебе́.

Ученико́м, Го́споди, соводворя́яся пресла́вно, сим глаго́лал еси́: иди́те, пропове́дите всю́ду Моё́ Воскресе́ние.

Сла́ва Тебе́, Бо́же наш, сла́ва Тебе́.

Уверя́я, Го́споди, воста́ние Твое́, е́же из гроба́, любя́щим Тя, Христэ́, во дни мно́ги соводвори́лся еси́, ра́дость творя́ им.

Сла́ва Тебе́, Бо́же наш, сла́ва Тебе́.

Воочи́л еси́, Го́споди, сле́па из утробы́ рождённа, рек: иди́, умыйся, и прозри́, Моё́ сла́ва Божество́.

Канон предпра́зднства Вознесе́ния:

Сла́ва Тебе́, Бо́же наш, сла́ва Тебе́.

Пре́жде грехо́м осужде́нное естество́ наше́ Всецарю́, Твои́м при́тием поми́ловася, песносло́вящее Твое́ со стра́хом воста́ние, и Божество́нное Вознесе́ние.

Сла́ва Тебе́, Бо́же наш, сла́ва Тебе́.

Дивя́тся безплотных чии́ни, смотре́юще Тя Христэ́ нося́ща те́ло земно́е, и возше́дша на о́блак, и к небе́сным восходя́ща.

Сла́ва Отцу́ и Сы́ну и Свято́му Ду́ху.

Ви́девше очервлёны ризы́ Тво́я, Христэ́ Всецарю́, Твои́м восхо́дом ужасо́шася а́нгельския́ си́лы, и стра́хом, и ра́достью́ поклони́шася.

И ны́не и при́сно и во ве́ки веко́в. Ами́нь.

Восплéщим рука́ма, Госпо́дь воста́в из ме́ртвых, на Небеса́ взы́де, повинúвшимся Ему́ а́нгелом, я́ко Творцу́ и Бо́гу на́шему.

Катавасия: Услы́шах слух си́лы Креста́, я́ко рай отве́рзеса им, и возопи́х: сла́ва си́ле Твоёй Го́споди.

Песнь 5

Канон Пасхи:

Ирмо́с: У́тренюем у́треннюю глубоку́, и вме́сто ми́ра песнь принесём Влады́це, и Христа́ у́зрим, пра́вды Со́лнце, всем жизнь возсия́юща.

Христос́ воскресе́ из ме́ртвых.

Безме́рное Твоё благоутро́бие а́довыми у́зами содержи́мии зря́ще, к све́ту идя́ху, Христэ́, весёлыми нога́ми, Па́сху хва́ляще ве́чную.

Христос́ воскресе́ из ме́ртвых.

Присту́пим, священос́нии, исходя́щу Христу́ из гроба́ я́ко Жениху́, и спрэднуим любопра́зднственными́ чини́ми Па́сху Бо́жию спаси́тельную.

Пресвята́я Богоро́дице, спаси́ нас.

Просвещáется Боже́ственными луча́ми и живонос́ными Воскресéния Сы́на Твоего́, Богома́ти Пречи́стая, и ра́дости исполня́ется благочестивых собра́ние.

Пресвята́я Богоро́дице, спаси́ нас.

Не разве́рзл еси́ врата́ де́вства в воплоще́нии, гроба́ не разруши́л еси́ печатей, Царю́ создáния: отону́дуже воскресе́шаго Тя зря́щи, Ма́ти ра́довашеся.

Канон слепаго:

Сла́ва Тебе́, Бо́же наш, сла́ва Тебе́.

Возне́слся еси́ на Дре́во, Ще́дре, и совозне́сл еси́ вся челове́ки, и борите́ля зми́я умертви́л еси́, и оживи́л еси́ создáние рук Твои́х, я́ко еди́н Бог всех.

Сла́ва Тебе́, Бо́же наш, сла́ва Тебе́.

Положи́лся еси́ во гробе́ во́лею, Царю́ Безсме́ртне, и ца́рствия а́дова вся исто́щил еси́, ме́ртвыя Воскресéнием Твои́м воздви́гнув.

Сла́ва Тебе́, Бо́же наш, сла́ва Тебе́.

Чудеса вѣлия содѣловающаго, Слове, на земли, людіе убѣша Тя, беззаконнии, но Сам Господи, единъ всесиленъ сый, якоже предрекл еси, из мертвыхъ воскресл еси, Христѣ.

Слава Тебѣ, Божѣ наш, слава Тебѣ.

Очи отвѣрзл невидѣвшаго светъ чувствѣнный, души просветил еси зѣницы, и славити сотворил еси сего, познавша Тя, Творца, за благоутрѣбие явившася человека.

Канонъ предпразднства Вознесения:

Слава Тебѣ, Божѣ наш, слава Тебѣ.

Разрешивъ осужденіе человечества, Христосъ воскресъ и вознесся къ Небеснымъ, Отчимъ соседеніемъ почѣтъ, ихже возлюбилъ.

Слава Отцу и Сыну и Святому Духу.

По воскресеніи радостнотворивый Христѣ ученики Твоя, возшелъ еси горе, къ Твоему Родителю, Егоче не разлучился еси, аще и Человекомъ бесѣдовал еси.

И ныне и присно и во веки вековъ. Аминь.

Закону предсѣнія, и проповѣданія богоглаголивыхъ исполнив, Христѣ, возшелъ еси, облаку Тя подымшу, Спасе, къ небеснымъ.

Катавасія: Утренююще вопиѣмъ Ти: Господи, спаси ны, Ты бо еси Богъ наш, разве бо Тебѣ иного не знаемъ.

Песнь 6

Канонъ Пасхи:

Ирмосъ: Снизшелъ еси въ преисподняя земли, и сокрушилъ еси верей вѣчныя, содержащія связанныя, Христѣ, и тридневенъ, яко отъ кита Иона, воскресл еси отъ гроба.

Христосъ воскресъ изъ мертвыхъ.

Сохранивъ цѣла знаменія, Христѣ, воскресл еси отъ гроба, ключи Дѣвы не вредивый въ рождествѣ Твоемъ, и отвѣрзл еси намъ райскія двѣри.

Христосъ воскресъ изъ мертвыхъ.

Спасе мой, живое же и нежертвенное заколѣние, яко Богъ Самъ Себѣ волю привѣдъ Отцу, совоскресилъ еси всероднаго Адама, воскресъ отъ гроба.

Пресвятая Богородице, спаси насъ.

Возведёся древле держимое смертию и тлением, Воплотившимся от Твоего пречистаго чрева, к нетленной и присносущней жизни, Богородице Дёво.

Пресвятая Богородице, спаси нас.

Сниде в преисподняя земли, в ложесна Твоя, Чистая, Сшедый и вселившийся и воплотивыйся паче ума, и воздвиже с Собою Адама, воскресе от гроба.

Канон слепаго:

Слава Тебе, Боже наш, слава Тебе.

Распныйся с разбойники, Владыко, избавил еси от разбойник лукавых, душетленных страстей, Человеколюбче Господи, вся поющия Твое распятие и востание согласно.

Слава Тебе, Боже наш, слава Тебе.

Положиша без дыхания Тебе мертва, Христэ, во гробе, всем мертвым вдыхающа жизнь, воскресе же еси, Господи, вся истощивый, Слове, гробы, Божественною Твоею силою.

Слава Тебе, Боже наш, слава Тебе.

По востании, Христэ, другом глагола еси: сядите убо во Иерусалиме, дондеже облечётеся силою свыше непобедимую, и известною помощию.

Слава Тебе, Боже наш, слава Тебе.

Брение сотвори, очи слепаго от рождения помазал еси, и даровал еси ему прозрети, поющу Твою, Слове, неизреченную силу, еюже спас еси мир.

Канон предпразднства Вознесения:

Слава Тебе, Боже наш, слава Тебе.

Странное видение явился еси ангелом, человек зракнося, восходом Твоим страшным Человеколюбче, темже со страхом воспеваем Тя.

Слава Отцу и Сыну и Святому Духу.

Всех Господь со славою восходит светло к Своему Безначальному Родителю, вся тварь ныне празднует ликующи.

И ныне и присно и во веки веков. Аминь.

Всяк язык днесь да вопиет: в восклицновении, Христос взыде, и в трубы Божественном гласе к небесем, ихже не остави.

Катавасия: Обыде мя бездна, гроб мне кит бысть, аз же возопих к Тебе, Человеколюбцу, и спасе мя десница Твоя, Господи.

Господи, помилуй. Трижды.

Слава, и ныне:

Кондак, глас 8:

Аще и во гроб снишел еси, Безсмертне, но адову разрушил еси силу и воскресл еси, яко Победитель, Христэ Бже, женам мироносицам вещавый: радуйтеся, и Твоим апостолом мир даруй, падшим подай воскресение.

Икос:

Еже прежде солнца Солнце, зашедшее иногда во гроб, предварша ко утру ищущия яко дне мироносицы девы, и друга ко друзей вопияху: о другини, приидите, вонями помажем Тело живоносное и погребенное, плоть Воскресившаго падшаго Адама, лежащую во гробе. Идем, потщимся, якоже волсви, и поклонимся, и принесем мира яко дары, не в пеленах, но в плащанице обвитому, и плачим, и возопийм: о Владыко, востани, падшим подай воскресение.

Песнь 7

Канон Пасхи:

Ирмос: Отроки от пещи избавивый, быв Человек, страждет яко смертен, и Страстию смертное в нетления облачит благолепие, един благословен отецв Бог и препрославлен.

Христос воскресе из мертвых.

Жены с мiры богомудрыя в след Тебе течаху, Егже яко мертва со слезами искаху, поклонишася радующихся Живоуму Богу и Пасху тайную Твоим, Христэ, учеником благовестиша.

Христос воскресе из мертвых.

Смерти празднуем умерщвление, адово разрушение, иного жития вечнаго начало, и играюще поем Виновнаго, единого благословеннаго отецв Бога и препрославленнаго.

Христос воскресе из мертвых.

Яко во́истину свяще́нная и всепра́зднственная сия́ спаси́тельная но́щь, и светоза́рная, светонóснаго дне воста́ния су́щи провозвѣстница: в не́йже безлѣтны́й Свет из грóба плóтски всем возсия́.

Пресвята́я Богородице, спаси́ нас.

Умертвѣв Сын Твой смерть, Всенепоро́чная, днесь, всем сме́ртным пребыва́ющий живо́т во ве́ки веко́в дарова́, еди́н благослове́нный отце́в Бог и препросла́вленный.

Пресвята́я Богородице, спаси́ нас.

Всем ца́рствуяй создáнием, быв Чело́век, вселѣся во Твою́, Богоблагода́тная, утробу, и распя́тие претерпе́в и смерть, воскресе́ боголе́пно, совозста́вив нас, я́ко всеси́лен.

Канон слепаго:

Сла́ва Тебе́, Бо́же наш, сла́ва Тебе́.

Воздѣжену Тебе́ на Дре́во, Спа́се, погасе́ со́лнце, земля́ волну́яшеся, колеба́шеся тварь вся, и от гроб ме́ртвии воста́яху.

Сла́ва Тебе́, Бо́же наш, сла́ва Тебе́.

Воста́вшу Ти из ме́ртвых, Царю́, ду́ши совозста́ша та́мо спя́щия, сла́влящия си́лу Твою́. Ё́уже сме́ртныя у́зы разреши́шася.

Сла́ва Тебе́, Бо́же наш, сла́ва Тебе́.

Ра́но миропомáзати Тя же́нский при́де лик, уве́девше же, Го́споди, воста́вша Тя, ра́довахуся со свяще́нными ученики́, ѿмиже пода́ждь нам очище́ние зол.

Сла́ва Тебе́, Бо́же наш, сла́ва Тебе́.

Бре́нием помáзал еси́ о́чи слепа́го, и сему́ повелел еси́ к Силоáму ити́, омѣвся же, прозре́, песносло́вля Тя, Христѣ́, Царю́ всех.

Канон предпра́здства Вознесе́ния:

Сла́ва Тебе́, Бо́же наш, сла́ва Тебе́.

Ра́стерза́в средостѣ́ние вражды́, Го́споди, Кресто́м и стра́стию Твое́ю, о́блаком носѣ́мь возше́л еси́ со сла́вою к Безнача́льному Отцу́.

Сла́ва Тебе́, Бо́же наш, сла́ва Тебе́.

Тре́петни взыва́ху Си́лы: возьми́те врата́, при́де Христóс тѣло земно́е нося́, и Божѣ́ственною стра́стию вели́ара умертвѣв.

Сла́ва Отцу́ и Сы́ну и Свято́му Ду́ху.

Что Твоя́ ризы червлёны, Человеколю́бче? Си́лам Божественным вопроша́ющим: точи́ло ны́не изгнето́х, Христос́ восходя́ вопия́ше.

И ны́не и при́сно и во ве́ки веко́в. Ами́нь.

Песньми Твое́ распя́тие, Христэ́, и воста́ние согла́сно сла́вим, све́тло пра́зднующе о вознесе́нии честне́м Твое́м во ве́ки.

Катавасия: В пещи́ о́гненной песносло́вцы спасы́й о́троки, благослове́н Бог оте́ц на́ших.

Песнь 8

Канон Пасхи:

Ирмо́с: Сей нарече́нный и святы́й день, еди́н суббо́т царь и госпо́дь, пра́дников пра́дник и торже́ство есть торже́ств: во́ньже благослови́м Христá во ве́ки.

Христос́ воскре́се из ме́ртвых.

Прииди́те, но́ваго виногра́да рождéния, Божественнаго весе́лия, в на́рочитом дни Воскресе́ния, Ца́рствия Христóва приобщи́мся, пою́ще Его́ я́ко Бо́га во ве́ки.

Христос́ воскре́се из ме́ртвых.

Возведи́ о́крест о́чи твои́, Си́оне, и виждь: се́ бо приидо́ша к тебе́, я́ко богосве́тлая свети́ла, от за́пада, и се́вера, и мо́ря, и восто́ка ча́да тво́я, в тебе́ благословя́щая Христá во ве́ки.

Пресвятáя Трои́це, Бо́же наш, сла́ва Тебе́.

О́тче Вседержи́телю, и Сло́ве, и Ду́ше, тремí соединя́емое во Ипостáсах Естество́, Пресу́ществе́нне и Пребоже́ственне, в Тя крести́хомся и Тя благослови́м во вся ве́ки.

Пресвятáя Богоро́дице, спаси́ нас.

Прииде́ Тобо́ю в мир Госпо́дь, Де́во Богоро́дице, и чре́во а́дово расто́рг, сме́ртным нам воскресéние дарова́: те́мже благослови́м Его́ во ве́ки.

Пресвятáя Богоро́дице, спаси́ нас.

Всю низложи́в сме́рти держа́ву Сын Тво́й, Де́во, Свои́м Воскресе́нием, я́ко Бог кре́пкий совознесе́ нас и обожи́; те́мже воспева́ем Его́ во ве́ки.

Канон слепаго:

Сла́ва Тебе́, Бо́же наш, сла́ва Тебе́.

Ангельстии чи́нове на Кресте́ Тя ви́девше ви́сима, Христé Всецарю́, и тварь всю изменя́юща стра́хом, ужасо́шася, пою́ще Твое́ человеколю́бие.

Сла́ва Тебе́, Бо́же наш, сла́ва Тебе́.

Ад до́ле Тебе́ ви́дев, стеня́ше, и подава́ше ско́ро ме́ртвыя, от ве́ка та́мо храни́мая, Христé, песносло́влящия Твое́ человеколю́бие.

Сла́ва Тебе́, Бо́же наш, сла́ва Тебе́.

Сотворя́я чудеса́, Христé, изрядная, во́лею воздв́ижен был еси́ на Крест, и с ме́ртвыми совокуп́лся еси́, умертв́ивый а́да, и вся му́жеством отреш́ил еси́ у́зники.

Сла́ва Тебе́, Бо́же наш, сла́ва Тебе́.

Слепа́го вооч́ил еси́ к Тебе́ приступ́ивша, Христé, сему́ повелéвый в Силоáмову купéль ит́и, омы́тися и прозрéти, и Бо́га Тя проповéдати, плóтию яв́ившагося во спасéние ми́ра.

Канон предпразднства Вознесения:

Сла́ва Тебе́, Бо́же наш, сла́ва Тебе́.

Свет Тя от Свéта сущ́ий, о́блак свéтел подъя́т от горы́ ма́сличныя, всем зря́щим Божéственным ученико́м Тво́им, и Тебе́ воспева́ющим во вся ве́ки.

Рука́ми псалóмски восплéщим, воскресе́ Христóс Бог наш, и взы́де, отону́дуже сн́иде к нам человеколю́бно, умиротвор́ивый дрéвле разстоя́щаяся.

Благослов́им Отца́, и Сы́на, и Свята́го Ду́ха, Го́спода.

Поя́ Дави́д вопиéт: Христóс взы́де на Херув́имех Сво́их, и возлетé я́ве на крилу́ У́мных Чи́нов. Егóже превозно́сим во вся ве́ки.

И ны́не и пр́исно и во ве́ки веко́в. **А**ми́нь.

Яв́ился еси́ ученико́м воскресе́ от грóба, и сих возвёл еси́ на гóру ма́сличную, отону́дуже о́блак свéтел подъя́ем, взят к гóрним, Христé, Тебе́ со сла́вою.

Хва́лим, благослов́им, покланя́емся Го́сподеви, пою́ще и превозно́сяще во вся ве́ки.

Катавасия: Из Отца прежде век рожденного Сына и Бога, и в последние лета воплощенного от Девы Матере, священницы пойте, людие превозносите во вся веки.

Припев:

Величит душа моя воскресшаго тридневно от гроба, Христа Жизнодавца.

Песнь 9

Ирмос: Светися, светися, новый Иерусалиме: слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Припевы: Величит душа моя волею страдавша, и погребенна, и воскресшаго тридневно от гроба.

Христос новая Пасха, жертва живая, Агнец Божий, вземляй грехи мира.

Ангел вопиаше Благодатней: Чистая Дево, радуйся! И паки реку: радуйся! Твой Сын воскрес тридневен от гроба, и мертвыя воздвигнувый: людие, веселитесь.

Возбудил еси, уснув, мертвыя от века, царски рыкавый яко от Иуды лев.

О Божественного, о любезного, о сладчайшего Твоего гласа! С нами бо неложно обещался еси быти до скончания века, Христэ: Егоже, вернии, утверждение надежды имуще, радуемся.

Припевы: Магдалина Марья притече ко гробу, и Христа видевши, яко вертоградя вопрошаше.

Ангел облистаяй женам вопиаше: престаните от слез, яко Христос воскрес.

Христос воскрес, смерть поправый и мертвыя воздвигнувый: людие, веселитесь.

Днесь всяка тварь веселится и радуется, яко Христос воскрес и ад пленися.

Днесь Владыка плени ада, воздвигнувый юзники, яже от века имяше люте одержимыя.

О Пасха велия и священнейшая, Христэ! О мудросте, и Слове Божий, и сило! Подавай нам истее Тебе причащатися в невечернем дни Царствия Твоего.

Припев: Величит душа моя Триипостаснаго и Нераздельнаго Божества

державу.

Согласно, Дѣво, Тебѣ блажимъ вѣрнии: радуйся, двѣре Господня; радуйся, граде одушевленный; радуйся, Еяже ради намъ нынѣ возсия светъ изъ Тебѣ рожденнаго изъ мѣртвыхъ Воскресѣния.

Припев: Радуйся, Дѣво, радуйся, радуйся, Благословенная, радуйся, Препрославленная: Твой бо Сынъ воскресѣ тридневенъ отъ гроба.

Веселися и радуйся, Божественная двѣре Свѣта: зашедый бо Иисусъ во гробъ возсия, просиявъ солнца светлѣе и вѣрныя вся озаривъ, Богорадованная Владычице.

Канон слепаго:

Слава Тебѣ, Божѣ нашъ, слава Тебѣ.

На Дрѣве крестнемъ пригвоздился еси, Христѣ Божѣ, и вся победилъ еси вражия сопротивная начала, и первую клятву потребилъ еси, Спасе, темже Тя по долгу величаемъ.

Слава Тебѣ, Божѣ нашъ, слава Тебѣ.

Яко виде Тя, Слове, адъ доле съ душею, воздохну, и вся мѣртвыя страхомъ отрешилъ, познавшия державу власти Твоея, темже Тя по долгу величаемъ.

Слава Тебѣ, Божѣ нашъ, слава Тебѣ.

Знамения сотворяюща и чудеса страшная, соборъ еврейскій зря, завистию убилъ, пленившаго адъ Воскресѣниемъ Своимъ, и всехъ, яко силенъ, возставляющаго.

Слава Тебѣ, Божѣ нашъ, слава Тебѣ.

Восталъ еси, якоже реклъ еси, Животодавче, изъ мѣртвыхъ, и явился еси святымъ ученикомъ по востании, знамения сотворивый, и воочивый слепыя, съ нимиже Тя во вѣки величаемъ.

Канон предпразднства Вознесения:

Слава Тебѣ, Божѣ нашъ, слава Тебѣ.

Священное торжество вся тварь приноситъ яве Вознесѣнию Твоему, Слове Божий, имже принеслъ еси Отцу Твоему, еже отъ насъ естество воспринялъ еси паче слова неизмѣненне.

Слава Тебѣ, Божѣ нашъ, слава Тебѣ.

Яко Богъ стерлъ еси врата адова, Спасе, и верей, и воскресъ изъ мѣртвыхъ,

к Небесным востéкл еси́ Чи́но́м А́нгельским, врата́ возьми́те, вопию́щим со удивле́нием.

Сла́ва Тебе́, Бо́же наш, сла́ва Тебе́.

Твоему́ Божéственному восхо́ду дивя́щимся Божéственным учени́ко́м, предста́ша я́вственно а́нгели, тем вопию́ще: Егóже ви́дите восходя́ща на Небеса́, сей при́дет со сла́вою суди́ти всем.

Сла́ва Отцу́ и Сы́ну и Свято́му Ду́ху.

Е́же Христé дарова́л еси́ мир учени́ко́м, к го́рним дрéвле восходя́. Той и нам богáтно низпосли́, в любви́ всех содержа́я, я́ко да согла́сно Тебе́, Спа́са, велича́ем.

И ны́не и прýсно и во ве́ки веко́в. Ами́нь.

Светоно́сная колесни́ца Со́лнца Мы́сленнаго, Ты была́ еси́ вои́стинну, несквэ́рная Чи́стая, имже сидя́щие во тьме ви́деша свет позна́ния, по до́лгу Тя сла́вяще.

Катавасия: Тя па́че ума́ и словесе́ Ма́терь Бо́жию, в ле́то Безле́тнаго неизрече́нно ро́ждшую, ве́рнии единому́дренно велича́ем.

Го́споди, поми́луй. **Трижды.**

Сла́ва, и ны́не:

Ексапостилáрий:

Пло́тию усну́в, я́ко мертв, Царю́ и Го́споди, тридне́вен воскрэ́сл еси́, Ада́ма воздвиг от тли, и упраздни́в смерть: Па́сха нетле́ния, ми́ра спасэ́ние. **Дважды.**

Сла́ва, и ны́не:

У́мныя мой о́чи, ослепле́нныя, Го́споди, от мра́чнаго греха́, Ты просвети́, вложив, Ще́дре, смире́ние, и пока́яния омый слезáми.

ХВАЛИ́ТНЫ

Вся́кое дыха́ние да хва́лит Го́спода. Хвалите́ Го́спода с небес, хвалите́ Егó в вы́шних. Тебе́ подобáет песнь Бо́гу. Хвалите́ Егó, вси А́нгели Егó, хвалите́

Его́, вся Сѣлы Его́. Тебѣ подобáет песнь Бóгу.

Стихиры на хвалитех, глас 2:

На 4: Хвалите Его́ на сѣлах Его́, хвалите Его́ по мнóжеству вели́чества Его́.

Слепѣй родѣвыйся, в своѣм пóмысле глаго́лаше: едá аз грех рáди родѣтельных родѣхся без óчию, едá аз за неvéрие язы́ков родѣхся во обличѣние? Не домышля́юся вопрошáти, когдá ночь, когдá день? Не терпѣта ми нóзе кáменнаго претыкáния, не вѣдех бо сóлнца сия́юща, ниже́ во óбразе менé Создáвшаго. Но молю́ Ти ся Христé Бóже, прѣзри на мя и помѣлуй мя.

Хвалите Его́ во гла́се тру́бнем, хвалите Его́ во псалтѣри и гúслех.

Мимоходѣ Иисúс от святѣлища, обрѣте челове́ка слéпа от рождѣния, и умилосѣрдився положи́ брѣние на óчию его́, и рече́ к нему́: иди́ умѣйся в Силоáме, и умѣвся прозрѣ, сла́ву возсыла́я Бóгу. Сосѣди же его́ глаго́лаху ему́: кто твой зѣници отвѣрзе, ѣхже никто́же от зрящих исцелѣти возмóже? Он же возопѣв, рече́: Челове́к Иисúс глаго́лемый, Он ми рече́, умѣйся в Силоáме, и прозрѣх. Той есть воѣстинну, Егóже рече́ Моисѣй в закóне, Христа́ Мессѣю: Той есть Спас душ на́ших.

Глас 4:

Хвалите Его́ в тимпáне и ли́це, хвалите Его́ во стру́нах и оргáне.

Все жити́е слепѣй ночь помышля́я, возопѣ к Тебѣ: Гóсподи, отвѣрзи ми зѣници, Сѣне Давѣдов Спа́се наш, да со все́ми и аз воспою́ Твою́ силу.

Глас 5:

Хвалите Его́ в кимвáлех доброгласных, хвалите Его́ в кимвáлех восклицáния. Всякое дыхáние да хвáлит Гóспода.

Гóсподи, мимоходѣ путѣм, обрѣл есѣ челове́ка слéпа от рождѣния, и удивлѣни бѣвше ученицы́, вопрошáху Тя глаго́люще: Учѣтелю, кто согрешѣ: сей ли, или́ родители́ его́, да слеп родѣся? Ты же Спа́се мой возопѣл есѣ к ним: ни сей согрешѣ, ни родители́ его́, но да явѣтся делá Бóжия на нем. Мне подобáет дѣлати делá Послáвшаго Мя, я́же никто́же мóжет дѣлати. И сѣя рек, плю́нув дóлу, и брѣние сотворѣ, пома́зал есѣ óчи его́, рек к нему́: иди́, умѣйся в Силоáмстей купѣли. Он же умѣвся здрав бысть, и вопи́яше к Тебѣ: вѣрую Гóсподи, и поклонѣйся Тебѣ. Тѣмже вопи́ем и мы, помѣлуй нас.

Стихиры Пáсхи, глас 5:

Стих: Да воскреснет Бог, и расточáтся вразí Егó.

Пáсха свящénная нам днесь показáся: Пáсха нóва святáя, Пáсха та́инственная, Пáсха всечестнáя, Пáсха, Христóс Избáвитель, Пáсха непорóчная, Пáсха вели́кая, Пáсха вёрных, Пáсха, двéри ра́йския нам отверза́ющая, Пáсха, всех освяща́ющая вёрных.

Стих: Я́ко исчеза́ет дым, да исчеза́нут.

Приидíte от видéния, жены́ благовéстницы, и Сиóну рцýте: приими́ от нас рáдости благовéщения Воскресéния Христóва; красуйся, ликуй и раду́йся, Иерусали́ме, Царя́ Христá узрév, из грóба, я́ко Женихá, происходя́ща.

Стих: Та́ко да погíбнут грéшницы от лицá Бóжия, а прáведницы да возвеселя́тся.

Миронóсицы жены́, úтру глубокú, предстáвша грóбу Живода́вца, обретóша А́нгела, на кáмени сидя́ща, и той, провещáв им, си́це глаго́лаше: что и́щете Живáго с мёртвыми? Что пла́чете Нетлénнаго во тли? Шéдше, проповéдите ученикóм Егó.

Стих: Сей день, егóже сотвори́ Госпóдь, возра́дуемся и возвесели́мся вонь.

Пáсха красная, Пáсха, Госпóдня Пáсха, Пáсха всечестнáя нам возсия́. Пáсха, рáдостью друг дрúга обýмем. О Пáсха! Избавлénие скóрби, и́бо из грóба днесь, я́ко от чертóга возсия́в, Христóс жены́ рáдости испóлни, глаго́ля: проповéдите апóстолом.

Слáва, и нýне:

Воскресéния день, и просвети́мся торжествóм, и друг дрúга обýмем; рцем: бра́тие, и ненавídaющим нас прости́м вся Воскресéнием, и та́ко возопи́м: Христóс воскресе из мёртвых, смёртию смерть попрáв и сýщим во гробéх живóт дарова́в.

Слáва Тебé, показáвшему нам свет.

ВЕЛИКОЕ СЛАВОСЛОВИЕ

Слáва в вýшних Бóгу, и на землí мир, в челове́цах благоволенiе. Хвáлим Тя, благослови́м Тя, клáняем Ти ся, славослóвим Тя, благодари́м Тя вели́кия ра́ди славы Твоея́. Гóсподи, Царю́ Небéсный, Боже, Отче Вседержiтелю, Гóсподи Сýне Единорóдный, Иису́се Христé, и Святы́й Ду́ше. Гóсподи Бóже,

Агнче Божий, Сыне Отечь, вземляй грех мира, помилуй нас. Вземляй грехи мира, прими молитву нашу. Седяй одесную Отца, помилуй нас. Яко Ты еси Един Свят; Ты еси Един Господь, Иисус Христос, в славу Бога Отца, аминь.

На всяк день благословлю Тя и восхваляю имя Твое во веки, и в век века. Сподоби, Господи, в день сей без греха сохранитися нам. Благословен еси, Господи Боже отец наших, и хвально и прославлено имя Твое во веки, аминь.

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим. **Трижды.**

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя.

Святый Боже, Святый Крепкий, Святый Безсмертный, помилуй нас. Трижды.

Слава Отцу и Сыну и Святому Духу, и ныне и присно и во веки веков, аминь.

Святый Безсмертный, помилуй нас.

Святый Боже, Святый Крепкий, Святый Безсмертный, помилуй нас.

Тропарь, глас 5:

Собезначальное Слово Отцу и Духови, от Девы рождающееся на Спасение наше, воспойм, вернии, и поклонимся; яко благоволи Плотию взяти на Крест, и смерть претерпети, и воскресити умершия славным воскресением Своим.

Слава, и ныне:

Богородичен, глас тойже:

Радуйся, Двере Господня непроходимая; радуйся, стено и покрове притекающим к Тебе. Радуйся, необуреваемое пристанище и неискусобрачная, рождающая плотию Творца Твоего и Бога. Молящи не оскудевай о воспевающих и кланяющихся рождеству Твоему.

ЗАВЕРШЕНИЕ УТРЕНИ

Господи, помилуй. **40.**

Сла́ва, и ны́не:

Го́споди, помíлуй. 12.

Сла́ва, и ны́не:

Утверди́, Бо́же, святу́ю правосла́вную ве́ру, правосла́вных христиа́н во ве́к ве́ка.

Честне́йшую Херувíм и сла́внейшую без сравне́ния Серафíм, без ислéния Бо́га Сло́ва ро́ждшую, су́щую Богоро́дицу, Тя велича́ем.

Сла́ва, и ны́не: Го́споди, помíлуй. Трижды. Благословí.

Отпу́ст

Воскресы́й из ме́ртвых, Христé, и́стинный Бо́же наш, моли́твами Пречи́стыя Своея́ Ма́тере и всех святы́х, помíлуй и спасí нас, я́ко Благ и Человеколю́бец. Ами́нь.

Христос Воскресе! Воистину Воскресе!

Вели́каго господíна и отца́ на́шего Кири́лла, Святéйшаго Патри́арха Моско́вскаго и всея́ Руси́, и господíна на́шего высокопреосвященнейшаго **и́мярек**, митрополíта [**или́: архиепíскопа; или́: преосвященнейшаго и́мярек, епíскопа**] [**его́же есть о́бласть**], настоя́теля, бра́тию и прихо́жан свята́го хра́ма на́шего, домоча́дцы на́ша и вся правосла́вныя христиа́ны, Го́споди, сохрани́ их на мно́гая léта.

ПЕРВЫЙ ЧАС

Христос воскрес из мёртвых, смертью смерть поправ и сущим во гробех живот даровав. Трижды.

Приидите, поклонимся Цареву нашему Богу.

Приидите, поклонимся Христу, Цареву нашему, Богу.

Приидите, поклонимся и припадём Самому Христу, Цареву и Богу нашему.

Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуяй, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и льстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льстяху. Суди им, Боже, да отпадут от мыслей своих, по множеству нечестия их изриши я, яко преогорчisha Тя, Господи. И да возвеселятся вси уповающии на Тя, во век возрадуются, и вселишися в них, и похваляться о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

Псалом 89

Господи, прибежище был еси нам в род и род. Прежде даже горам не быти и создаться земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и изсхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и

накажемся. Кто вестъ держа́ву гнева Твоего́, и от стра́ха Твоего́, я́рость Твою́ исчести́? Десни́цу Твою́ тако́ скажи́ ми, и окованны́я се́рдцем в му́дрости. Обрати́ся, Го́споди, доко́ле? И умоле́н бу́ди на рабы́ Твоя́. Исполнимомся за́втра ми́лости Твоея́, Го́споди, и возра́довахомся, и возвесели́хомся, во вся дни на́ша возвесели́хомся, за дни в ня́же смири́л ны еси́, ле́та в ня́же ви́дехом зла́я. И при́зри на рабы́ Твоя́, и на дела́ Твоя́, и наста́ви сы́ны их. И бу́ди све́тлость Го́спода Бо́га на́шего на нас, и дела́ рук на́ших испра́ви на нас, и де́ло рук на́ших испра́ви.

Псалом 100

Ми́лость и суд воспою́ Тебе́, Го́споди. Пою́ и разуме́ю в пути́ непоро́чне, когда́ при́деш ко мне? Прехождáх в незло́бии се́рдца моего́ посреде́ до́му моего́. Не предлага́х пред очы́ма мойма́ вещь законопресту́пную: творя́щья преступле́ние возненави́дех. Не прильпе́ мне се́рдце стропти́во, уклоня́ющагося от мене́ лука́ваго не позна́х. Оклеветáющаго тай́ искренняго своего́, сего́ изгоня́х: го́рдрым о́ком, и несбы́тым се́рдцем, с сим не я́дях. Очи́ мой на ве́рныя земли́, посажда́ти я́ со мно́ю: ходя́й по пути́ непоро́чну, сей ми служáше. Не живя́ше посреде́ до́му моего́ творя́й горды́ню, глаго́ляй непра́ведная, не исправля́ше пред очы́ма мойма́. Во у́трия избивáх вся грешны́я земли́, е́же потреби́ти от гра́да Госпо́дня вся де́лающья беззакóние.